



Extrait de la revue **SingulierS** du 2^{ème} trimestre 2010

Revue des parlers romans de la province de Luxembourg

Editeur responsable: P. Otjacques, rue de la Hette 19 - 6840 Neufchâteau

Rubrique : Rizêye

On cope sins èfant

Josèf èt Marîe, cinsîs, la carantin.ne, n' ont pont d' èfant. Ça tracasse Josèf ! On bê djoû, Marîe lî dit :

- C' èst drole, hin Josèf, vola deûs mwès ki dji n' mi rvè pus!
- Èt bin Marîe, c' è-st-one bone novèle. Dimwin dj' îrans trover l' médcin.

Après vizite, li docteûr confirme la situâcion. Josèf èst tot contint :

- Docteûr, vos m' dîrîz bin si c' è-st-on gamin ou one gamine ?
- Josèf, ça n' èst nin possible, c' èst bin trop twèt !
- Mês nèni docteûr, vizitoz co on pô...

Li docteûr si lét a dîre, èt pwîs après on ptit tins :

- Dji pinse ki ça srè on gamin.

Vola Josèf co pus contint :

Docteûr, vos m' dîrîz bin cu ki frè pus târd ?

- La Josèf, c' èst nin possible !
- Nèni docteûr ? Vizitoz co on pô !

Li docteûr k' è compris, vizite co on pô Marîe avou li stétoscope, pwîs déclâre :

- Ça srè sûrmint on cinsî, i s' plint dja sins arèt !

Roland GEORGES (Engreux)

A cfêsse

On gamin èst ddins l' confèssionâle. Podrî l' bawète, i s' acuze d' aveûr fêt treûs coupèrous dins l' èglîje.

Li curé lî dit :

- Po vosse punicion, vos 'nn-alez rfé cink dins l' alée, dji va rlouker.

Contint d' passer si bon martchî, l' èfant fêt lès djeûs.

One ma chère seûr ki rawåde si toûr po-z-intre, vèyant çoula, a sogne di rçûr li min.me pènitance, èt ça s' comprind !

Èle si sâve foû d' l' èglîje an s' sègnant...

Marcel LÉONARD (Houffalize)